

Euskal AEko bioteknologiako I+Gan egindako gastua 126,6 milioi eurora iritsi zen 2020an, % 2,6 handitu ondoren

Bioteknologian I+G gastuaren % 77 giza osasunaren arloan egiten da, eta emakumeen presentzia nagusia da, guztizkoaren % 58

Euskal AEn bioteknologiarekin erlazionatutako jardueretako barne I+Gko gastua 126,6 milioi eurokoa izan zen 2020an, 2019an baino % 2,6 handiagoa, Eustatek prestatutako datuek erakusten dutenez. Gastu hori barne I+Gko gastu osoaren % 8,5 izan zen.

Enplegatutako langileak 2.316 izan ziren, eta Dedikazio Osoaren Baliokidetasunari (DOB-EDP) dagokionez, 1.522 dira. Langile horien DOB-EDP kopurua % 3,3 igo da aurreko urtearekin alderatuta, eta, beraz, bioteknologiako DOB-EDP langileak I+Gko DOB-EDP langileen % 7,8 dira. Ikertzaile lanetan 1.141 pertsona aritu ziren DOB-EDPen, aurreko urtean baino % 3,1 gehiago.

Nabarmendu behar da datu horiek, bai bioteknologiako gastuari dagokionez, bai DOB-EDP langileei dagokienez, 2007an hasitako serie historikoko altuenak direla.

Era berean, eta aurreko urteetan gertatu bezala, aipatzekoa da I+Gren adar horretan emakumeek duten presentzia, 2020an bioteknologian lanaldi osoan lan egin zuten pertsona guztien % 58,2 baitira.

Guztira 100 erakundek, horietatik 94 enpresak, egin zituzten bioteknologiako ikerketajarduerak 2020an. Gainera, 100 erakunde horietatik 72k, barne I+G gastuaren % 100 bioteknologia bideratu zuten.

Bioteknologiako barne I+G gastuaren % 68,3 Enpresen sektoreak egiten du

Enpresen sektoreak biltzen du bioteknologiako barne I+G jardueretako gastu osoaren ehuneko handiena (% 68,3), 2019ko antzeko proportzioa (% 68,1).

Gainerako sektoreek, Goi-mailako irakaskuntzak (% 27,2) eta Administrazio publikoak (% 4,5), egin dute gainerako gastuaren % 31,7 2020an, eta ehuneko hori % 31,9koa izan zen 2019an.

Bioteknologiako barneko I+G: gastuaren eta langileen bilakaera (DOB) Euskal AEn. 2010-2020

	2010	2011	2012	2013	2014	2015	2016	2017	2018	2019	2020
Barneko I+Gko gastuak											
Guztira (mila eurotan)	87.401	85.941	85.646	92.042	86.677	85.691	84.690	93.221	112.534	123.354	126.610
Urteko Gehikuntza (%)	8,5	-1,7	-0,3	7,5	-5,8	-1,1	-1,2	10,1	20,7	9,6	2,6
Langileak (DOB)											
Guztira (mila eurotan)	1.027,3	1.032,9	1.081,8	1.182,9	1.183,7	1.255,5	1.234,8	1.345,5	1.442,1	1.472,7	1.521,5
Urteko Gehikuntza (%)	14,3	0,5	4,7	9,3	0,1	6,1	-1,6	9,0	7,2	2,1	3,3
Ikertzaileak (DOB)											
Guztira (mila eurotan)	797,0	752,6	809,8	903,3	909,3	977,0	964,5	1.031,0	1.087,7	1.106,7	1.141,0
Urteko Gehikuntza (%)	7,7	-5,6	7,6	11,5	0,7	7,4	-1,3	6,9	5,5	1,7	3,1

DOB= Dedikazio osoko baliokidetzak

Iturria: Eustat. Bioteknologiako I+Gren estatistika

Administrazio publikoak finantzatu zuen bioteknologiako barne I+Gren % 52,9


Funtsen jatorriaren arabera, 2020an bioteknologiarekin erlazionatutako barne I+G jarduerak, batez ere, Administrazio publikoaren (% 52,9) eta Enpresen (% 35,0) funtsekin finantzatu ziren. Gainerakoa Atzeritik (% 8,7), Goi-mailako irakaskuntzatik (% 1,9) eta Irabazi-asmorik gabeko erakunde pribatuetatik (% 1,5) etorritako funtsen bidez finantzatu zen.

Bioteknologiako ikerketan lortutako produktuen aplikazio-eremuei dagokienez, nabarmentzekoa da Giza osasuna, gastu osoaren % 77,2 hartzen baitu. Oso urrun dago Elikadura (% 7,3), eta gainerako arloek –Animalien osasuna eta akuikulturak, Ingurumenak, Industria eta Nekazaritzak eta Baso-ekoizpenak– antzeko ehunekoetan banatzen dute gainerako % 15,5.

Denbora/kostua eta Kapitalerako Sarbidea dira bioteknologiako barne I+G jarduerak garatzeko oztopo nagusiak

Azkenik, 2020an bioteknologiako I+G arloko jardueren aurrerapena zailtzen duten oztopo nagusien pertzepzioan, Denbora/kostua eta Kapitalerako Sarbidea erlazioak nabarmentzen dira, % 88an eta % 85ean, hurrenez hurren. Eskakizun arautzaileak hirugarren lekuan daude, % 78arekin.

Bioteknologiako I+G garatzeko oztopoak (%). 2020



Iturria: Eustat. Bioteknologiako I+Gren estatistika

Oharra: Eustatek eskerrak eman nahi dizkie estatistika hau egiten lagundu duten enpresa eta erakunde guztiei, egindako ahaleginarengatik; informazioa 2021eko apiriletik urrira bitartean jaso da. Zure laguntzarik gabe ez zen posible izango.

Informazio gehiago nahi izanez gero::

Eustat - Euskal Estatistika Erakundea / Instituto Vasco de Estadística

Donostia kalea 1, 01010 Vitoria-Gasteiz

Prentsa Zerbitzua: servicioprensa@eustat.es Tlf: 945 01 75 62